

Mawu A Mulungu Anadza Kwa Mneneri William Marrion Branham

“Mizimu Yodolola Kudziwa Mawu a Mulungu”

Musati mumuweruze wochimwa. Chitirani chifundo pa iye. Musiyeni iye apitirize ndi kusuta kaliwo wake, musiyeni iye amwe kachasu wake, musiyeni iye akhale ndi phwando lake la juga. Icho nchomusangalatsa chake. Inu musamude iye. Kubwera kunyumba ndi chirichonse, wotopa ndi wakutha mphamvu, iye akufuna chisangalatso china. Chinthu choti inu muchite ndicho kukhala moyo wa umulungu chotero, kuti inu mukhoze kutsimikizira kwa iye kuti Uthenga umagwira nthawi zikwi khumi kuposa zosangalatsa izo. [Malo opanda kanthu pa tepi—Mkonzi] Ndipo ngati iye afa mu chikhalidwe chimenecho, iye adzapita ku Gehena, pa kachasu wakeyo. Uko ndi kulezeretsa kwa Mdierekezi. Ngati iye afa, akukoka pa kaliwo wake uyo, Mulungu ndiye Woweruza wake. Ngati iye afa, akupita kunja uku, akuvina, ndi kuthamanga uku ndi uku atavala zovala za makhalidwe oyipa, Mulungu ndiye Woweruza wake.

Koma pali chinthu chimodzi, ngati inu mufa pansi pa Mphamvu yodzoza ya Mzimu Woyerwa, monga Stefano anachitira pamene iye anayang’ana mmwamba mu nkhopa ya Mulungu, anati, “Ine ndikuwona Kumwamba kwatseguka, ndi Yesu atayima pa dzanja lamanja,” inu mukupita Kumwamba, monga mtemankhuni ku bokosi lake. Ameni.

Mizimu yodolola kudziwa Mawu a Mulungu! Lolani zimasuke, lolani zipite. “Inu mumachita chotani izo, M’bale Branham?” Kungolola zipite. Ndi zonse zomwe inu muyenera kuchita. Tengani Mawu a Mulungu. Musayese kudzichititsa chirichonse. Musafike pansi pa guwa ndi kumamenya pa ilo, kufuula, “Ambuye, ndipatseni ine Mzimu Woyerwa! Ambuye, ndipatseni ine Mzimu Woyerwa!”

Iye sabwera, inu mukumenya pa guwa limenelo. Izo sizikuchita ayi ubwino. Ayi. Iyo si njira yomwe Iwo umadzera. Ndi, kumutenga Iye pa Mawu Ake!

Yang'anani kwa Petro. Petro anali mu vuto, zinkawoneka ngati iye akanafa. Ndipo iye anawona Ambuye akubwera, akuyenda pa madzi. Ndipo iye anati, "Ambuye, ngati ameneyo muli Inu, ndiyitaneni ine ndibwere."

Ambuye anati, "Zibwera."

Tsopano Petro anati, "Tsopano dikirani kamphindi, Ambuye, ndiroleni ine ndipite ndikasale kudya masiku makumi anayi, kuti ndiwone ngati ine ndingakhoze kuyenda pa madzi amenewo, kapena ayi. O Ambuye, ndiroleni ine ndipeze Mzimu wokwanira pa ine, kuti ine ndikhoze kuvina mu Mzimu ndi kulankhula mmalirime, mu bwato lino, ndiye ine ndikhoza kuponda panja"? Ayi, bwana! Iye anatenga Mulungu pa Mawu Ake, kumasuka ndi kulekerera. Mulungu anamutenga iye kumupyoletsa.

Bwanji ngati Mulungu akanakumana ndi Mose, ndipo Iye nati, "Mose, pita kumusi uko mu Igupto, ndipo kamuwuze Farao, 'Aleke anthu Anga azipita'? Bwanji ngati Mose akanati, "Ndiroleni ine ndipite ndikasale kudya masiku makumi anayi, poyamba, ndi kuwona ngati ine ndiri nacho chikhulupiro chokwanira kukumverani Inu, Mulungu. Ndipatseni ine chinachake, chinachake chimzake, Ambuye. Lolani ine ndikuwuzeni Inu chinachake, ndiroleni ine ndiwone ngati nditi ndilowe mu Mzimu, poyamba"? Mose sanafunse mafunso ayi, iye anangomutenga Mulungu pa Mawu Ake, ndipo anawuyamba wopita. Ndimo momwe inu muyenera kumachitira izi, mtengeni Mulungu pa Mawu Ake. Ndiye inu mudzadziwa mudzakhala wokhoza kuchita izo. Iye sanadikire mpaka chinthu chinachake chitachitika kaye, iye anangopitirira ndipo anachita izo.

Nanga bwanji Eliya, pamene iye anatsika kuchokera mu Phiri la Karimeli, anali atakhala kumeneko kwa nthawi yaitali. Ndipo iye anakomana ndi mkazi wamasiye wosauka, iye anali... iye anali wakwina, Wamitundu. Ndipo pamene iye anakomana naye iye kumeneko, iye anali akutola nkhuni, panja. Ndipo Mulungu anamuwuza iye, "Pita uko ku nyumba ya mkazi wamasiye uja." Malo ake woti mlaliki apitekowo!

Ndiye iye akupita uko ku nyumba ya mkazi wamasiye. Ndipo pemene iye anatero, mkaziyo anali ndi nkhuni ziwiri. Anati, "Kodi inu mukuchita chiyani?"

Anati, "Kutola nkhuni zina. Ine ndiri nawo ufa wongokwanira kupanga mikate ya chimanga ingapo. Ndizo zonse zimene ine ndatsala nazo. Ndi zaka zitatu kuchokera pamene ife tinakhala nayo mvula iliyonse." Ndipo anati, "Ndiye ine ndipita kuti ndikapange mikate ya chimanga iyi. Ndipo ine ndi mnyamata wanga tikadya iyo, ndi kufa."

Iye anati, "Ndipangire ine umodzi, poyamba!" Aleluya! O, ine—ine ndikudziwa kuti ndiwe wopenga pang'ono, koma ine ndiri ku mbali ya Ambuye, mulimonse. Anati, "Ndipangire ine umodzi, poyamba! Chifukwa, PAKUTI ATERO AMBUYE!" Ndi zimenezotu.

Ndi chiyani icho? "Funani inu poyamba Ufumu wa Mulungu, ndi chilungamo Chake!" Osati Ufumu wa Mulungu ndi "kaphokoso pang'ono," osati Ufumu wa Mulungu ndi "kutengeka pang'ono," osati Ufumu wa Mulungu ndi "ichi pang'ono kapena icho." Koma, "Mulungu, ndi chilungamo Chake, ndipo zinthu zina zonse izi zidzawonjezeredwa kwa inu!" Ikani poyamba!

Tsopano, mkazi wamasiye uyo anamva izo. "Chikhulupiro chimadza mwa kumva, kumva mwa Mawu." Iye anati, "Awo ndi Mawu a Ambuye, pakuti uyo ndi munthu woyerwa wa Mulungu. Uyo ndi mneneri wa Mulungu, ndipo ine ndikudziwa icho ndi choonadi. Ndipo awo ndi Mawu a Mulungu."

Tsopano, iye sanathamange kuwoloka kukawafunsa apafupi naye momwe angachitire ichi. Iye sanafune kuti apite akagawane naye...ndi kukawuza oyandikana naye, kuti, "Tsopano, inu mukuganiza chiyani? Mlaliki ali ku nyumba kwanga uko, akunena izi. Susie, iwe ukuganiza chiyani za ichi."

Iye analowa mkat, anayamba kupatsa ena. Iye analola zipite. Iye analola zipite zimene iye anali nazo, kuti iye akhoze kupeza zambiri. Ndicho chimene dziko likusowa lero, ndiko kachitidwe kabwino kachikale kololera kupereka zimene uli nazo. Aleluya! Iye anapatsa ena,

kotero mkaziyo akanakhoza kudzazitsidwa. Iye anapatsa ena mafuta onse amene iye anali nawo, ndi mafuta onse amene iye anali nawo ndi ufa wonse iye anali nawo, kwa mlaliki, ku Ufumu wa Mulungu. Ndipo pamene iye anapatsa izo zonse mmenemo, Mulungu anatsika, anadzazitsa mbiya ya ufa, anadzazitsa nsupa ya mafuta. Iye anaperekanso izo, mu mbale ya mlaliki, ndipo anabwera kachiwiri, nayidzazitsanso iyo. Iye anapereka umo. Nthawi iliyonse iye anapereka, Iye anadzazitsa.

Ine nditi lero, ngati anthu atulutsa kunja zonse izi zamkhutu zopitiriza kuchita, ndi kuwonera Chikhristu, ndi kulola Mzimu Woyeru kutenga malo Ake, kudzakhala kuli chitsitsimutso kuyambira pa Eighth ndi Penn Street chimene chiti chidzasese dziko lonse. Siyani zamkhutu. Bwererani ku Mawu a Mulungu. Patsani ena, kuti inu mukhoze kudzazitsidwa. Inu mulole zipite, ndipo Mulungu alola zibwere. Inu patsani ena, Mulungu adzadzazitsa mmenemo. Zinthu zonse zazing'ono, "Inu muyenera kuchita *ichi*, ndipo inu muyenera kuchita *icho*; ndipo inu bwezi mutachita *ichi* ndipo inu bwezi mutachita *izo*." Iwalani izo! Zitayeni izo kunja kwa moyo wanu!

Itini, "Mulungu, ndiroleni ine, kuchokera pa ichi kwathunthu...tsiku ili, ndikhale Wanu kwathunthu. Ambuye, ine ndikubwera ndi mtima wosweka. Ine ndikubwera ndi mzimu wachisoni. Ine ndikukukondani Inu. Inu mukudziwa ine ndimakukondani Inu. Ndipo ine ndikufuna kuiywala zopusa zonse izi za kusala konseku kwa masiku makumi anayi ndi kuwona ngati ine ndingakhoze kuyandikira kwa Mulungu, ndipo zonse *izi*, *izo*, ndi *zina*, zamkhutu zonse izi."

Siyani izo! Palibe china m'Mawu chimakuwuzani inu kuti mukhale nako kussala kwa masiku makumi anayi. Palibe chinthu. Palibe chinthu mdziko chimene chimakuwuzani inu kuti musale, kupatula Mulungu akanakuwuzani inu. Ndiye ngati inu musala, inu simuyamba kumva njala, ndi kudutsa zinthu zonse izi. Pamene inu mukusala, m'bale, inu mukhala wosangalala ndi wokondwa nthawi yonse. Anati, "Musamawoneke pamaso pa anthu monga achinyengo amachitira, muli nayo nkhopre yaitali, yokwiya. "Ine ndiri pa kusala kwa masiku

makumi anayi, mbale zanga sizindikwaniranso ine. Ine ndataya malibisi makumi atatu, ndipo iwo andiwuza ine kuti ndiwoneka bwino izi zikakhala zitatha.” O, zamkhutu! Ndiyo mizimu yodolola ya Mdierekezi.

Kupita pa guwa, ndi kunena “ulemerero, ulemerero, ulemerero” mpaka inu musathe kunena chinthu china chirichonse, ndi kuti, “Inu tuyenera kulankhula mmalirime inu musanalandire Mzimu Woyer.” Zamkhutu! Zitayeni izo kunja!

Ikani izo kunja kwa mchitidwe wanu ndipo bwerani pa Mawu a Mulungu! Iye anati, “Lapani, aliyense wa inu, ndipo mubatizidwe mu Dzina la Yesu Khristu kuloza ku chikhululukiro cha machimo anu, ndipo inu mudzalandira mphatso ya Mzimu Woyer.” Mulungu osasunga Mawu Ake, Iye si Mulungu. Ameni. Tayani kunja! Khalani odzazidwa! Ameni. Whwii! Ine ndikukonda zimenezo, ndiwo Mawu Ake. Mulungu ananena choncho. Ndiko kulondola. Ndipo pamene Mulungu ananena izo, Mulungu adzasamalira zimenezo. Chabwino. Kukonzekera konse kumene inu mukupanga, kupita konse ku tchalitchi inu mukupanga...

Ziri chabe ngati kumusi kuno kopangira magalimoto kumene iwo amamanga ochuluka kwambiri a katundu, kapena zochuluka kwambiri za magalimoto onyamula anthu. Ine ndinkagwira ntchito kumeneko. Ndipo iwo amatenga ndi kupanga ngolo zawo zazikulu ndi chirichonse, ndi kuyika matabwa olimba, kuyalika mkati m'bawa monsemo kuzungulitsa, ndi chirichonse mokongola kwambiri, kuyiyika iyo panja apo pa kamsewu, ndipo iyo inali yakufa monga misomali ya pa chitseko. Injini inali mmenemo, yopanda nthuzi mkati mwakemo. Iyo imangokhala pamenepo.

Chimene iwo ukusowa lero ndi moto wina motokotetsera mwake. Chimene iwo ukusowa lero ndi nthuzi yina. Chimene iwo ukusowa lero, mpingo, kuti utokote... Chinthu chotokota motentha kwambiri chimene chiripo kuti chitokotetse tchimo lituluke mmoyo mwanu, ndicho chikondi. Ndipo ngati inu simungakhoze kukondana wina ndi mzake, inu mumukonda chotani Mulungu Yemwe inu simunamuwonepo? Chikondi chimabisa machimo

awunyinji. Khalani mu chikondi naye Mulungu, ndiye inu mukondana wina ndi mzake, ndiye inu muwukonda mpingo, inu muchikonda Cholinga, inu mukonda chirichonse chimene chiri chaumulungu, ndipo inu mutualikira ku zinthu za mdziko.

Mizimu yodolola ikupita ponseponse kumawawuza anthu *izi*, *izo*, kapena *zina*, “Iwo ayenera kuchita *izi*. Iwo ayenera kuchita *izo*.” Ndi chifukwa chakuti zipembedzo zawuka, ndipo *izo* ziri ndi vumbulutso pang’ono limene iwo akuti, “Chabwino, tsopano, ine ndikukhulupirira kuti munthu...ine ndimakhulupirira mu zinthu zoterozo monga kufuula, mu Baibulo.” *Izo* nzolondola, *izo* ndi zonna. Iwo anapanga chipembedzo kuchokera mu *izo*, “Pamene inu mufuula, inu muli nawo Iwo.” Koma inu mulibe.

Wotsatira wina kuwuka, anati, “Kulankhula mu malirime.” *Izo* nzolondola, *izo* ziri mu Baibulo. “Koma pamene inu mulankhula mu malirime inu muli nawo iwo.” Koma ambiri a iwo analankhula mu malirime ndipo sanali nawo iwo. Mwaona? *Izo* sindizo Iwo. Ayi, bwana.

Ambiri a iwo anati, “Chabwino, ife tiyenera kunenera.”

Tawaonani aneneri awa apa ali ndi nyanga pa mitu yawo, akulumpha mmwamba-ndi-pansi ndi kumanenera. Ndipo Mikaya anati, “Muli, aliyense, kunama.” Ameni. Chabwino. Mulungu samabwera monga choncho.. Mulungu amabwera ku mtima woona umene umabwera mwachisoni, mzimu wosweka. “Iye amene amapita akubzala mwa misonzi mosakayikitsa adzabwerera mosangalala, kubwera ali nayo mitolo yofunika.” Ameni. Mvetsa *izo* moyenera, mzanga.

(Kuchokera mu *Mizimu Yodolola*, Julaye 24, 1955.)

CHICHEWA

©1995 VGR, ALL RIGHTS RESERVED

VOICE OF GOD RECORDINGS

P.O. BOX 950, Jeffersonville, Indiana 47131 U.S.A.

www.branham.org

Chidziwitso kwa ofuna kusindikiza

Maufulu onse ndi osungidwa. Bukhu ili mukhoza ku printa kunyumba kwanu ngati mutafuna kuti mugwiritse ntchito inuyo kapena kuti mukawapatse ena, ulere, ngati chida chofalitsira Uthenga wa Yesu Khristu. Bukhu ili simungathe kuligulitsa, kulichulukitsa kuti akhalepo ambiri, kuikidwa pa intaneti, kukaliika pakuti ena azitengapo, kumasuliridwa mu zinenero zina, kapena kugwiritsidwa ntchito ngati njira yopezera ndalamu popanda chilolezo chochita kulembewda ndi a Voice Of God Recordings®.

Ngati mukufuna kuti mumve zambiri kapena ngati mukufuna zipangizo zina zimene tiri nazo, chonde mulembere ku:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org